

**Ўзбекистон Республикаси Адлия вазирлиги қошидаги
Юристлар малакасини ошириш маркази ва Ўзбекистон Республикаси
Ҳакамлик судлари ассоциацияси ўртасида ўзаро ҳамкорлик тўғрисида**

М Е М О Р А Н Д У М

Ўзбекистон Республикаси Адлия вазирлиги қошидаги Юристлар малакасини ошириш маркази ва Ўзбекистон Республикаси Ҳакамлик судлари ассоциацияси (кейинги ўринларда Томонлар деб аталади):

2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни амалга ошириш, медиаторлар малакасини ошириш ва қайта тайёрлаш тизимини янада такомиллаштириш, ижтимоий-хукукий муносабатлардан келиб чиқадиган низоларни олдини олиш ҳамда бундай низоларга медиацияни кўллаш самарадорлигини оширишга қаратилган услубий тавсиялар, шунингдек бу борада хорижий давлатлар қонунчилиги тажрибаларини миллий қонунчиликка татбик этиш юзасидан чора-тадбирлар ишлаб чиқиш, Томонлар ўртасида таълим, илмий-услубий, ахборот-тахлил, илмий-амалий инновация ютуқларини амалиётга жорий этишнинг самарали механизмларини яратиш, илмий-тадқиқотлар ва ғоявий-маърифий соҳаларда ижтимоий шериклик муносабатларини мустаҳкамлаш ва кучайтириш, Томонлар ўртасида ўзаро тажриба алмашишга қаратилган самарали чоралар қабул қилишда ўзаро манфаатдорликдан келиб чиқиб,

қўйидагилар тўғрисида келишиб олдилар:

1-модда

Ушбу Меморандумнинг асосий мақсади медиаторлар малакасини ошириш ва уларни қайта тайёрлаш, фуқаролик хукукий муносабатлардан, шу жумладан тадбиркорлик фаолиятини амалга ошириш муносабати билан келиб чиқадиган низоларга, шунингдек якка меҳнат низоларига ва оиласидан хукукий муносабатлардан келиб чиқадиган низоларга медиацияни кўллаш хукукий билимларини ошириш, медиацияни кўллаш амалиёти самарадорлигини оширишга қаратилган тадқиқотлар ўтказиш, таълим жараёнига илғор педагогик ҳамда инновацион технологияларни жорий этишга кўмаклашиш ҳисобланади.

Томонлар ўртасидаги ўзаро ҳамкорлик муддатсиз, қонунга бўйсуниш, очиқлик, мустақиллик, ўзаро ҳурмат, teng хукуклилик тамойиллари асосида ташкил этилади.

2-модда

Томонлар ўзаро манфаатлар асосида қўйидаги йўналишларда ҳамкорликни ривожлантирадилар ва мустаҳкамлайдилар:

таълим жараёни ва илмий-тадқиқот ишларига Томонларнинг профессор-ўқитувчилари ва малакали мутахассисларини (ходим) жалб этиш;

масофавий таълим олиш жараёнини ташкил этиш учун зарур шарт-шароитлар яратиш;

ўқув дастурларини биргаликда ишлаб чиқиш ва таълим жараёнига жорий қилиш;

амалиётдаги муаммоларни таҳлил ва тадқиқ қилиш ҳамда шу асосда таълим дастурларини такомиллаштириб бориш;

фуқаролик ҳуқуқий муносабатлардан, шу жумладан тадбиркорлик фаолиятини амалга ошириш муносабати билан келиб чиқадиган, шунингдек якка меҳнат низоларига ва оиласвий ҳуқуқий муносабатлардан келиб чиқадиган низоларга медиацияни қўллаш соҳасида ягона давлат сиёсатини амалга оширишга қаратилган фундаментал, амалий ва инновацион тадқиқот ишларини амалга ошириш;

малака ошириш ва қайта тайёрлаш курсларини ташкил этиш учун зарур бўлган ахборотлар, маълумотлар ва таҳлилий ҳужжатларни ўзаро алмашиш;

статистик ва ахборот-таҳлилий маълумотлар ҳамда Томонларнинг ютуқларини акс эттирувчи бошқа материаллар билан ўзаро алмашиш;

медиацияни мустаҳкамлаш ва қўллаш соҳасидаги долзарб муаммоларнинг ечимларига бағишлиланган конференциялар, семинарлар, давра сухбатлари ва бошқа илмий-амалий тадбирлар ташкил этиш ва уларда иштирок этиш;

ҳамкорликда илмий ва ўқув адабиётларни тайёрлаш;

соҳага оид ютуқларни ўрганиш мақсадида мутахассис ва эксперталар билан алмашиш, билим ва ижобий тажриба натижаларини тарқатиш ва маъruzalар ўкиш;

илмий-тадқиқот натижаларини амалиётга татбиқ этишга қўмаклашиш;

ўзаро самарали ҳамкорликни йўлга қўйиш, унинг ҳуқуқий асослари ҳамда ташкилий чораларни такомиллаштириб борилишини таъминлаш;

медиацияни такомиллаштиришга қаратилган таклифлар ва норматив-ҳуқуқий ҳужжатлар лойиҳаларини киритиш;

фуқаролик ҳуқуқий муносабатлардан, шу жумладан тадбиркорлик фаолиятини амалга ошириш муносабати билан келиб чиқадиган, шунингдек якка меҳнат низоларига ва оиласвий ҳуқуқий муносабатлардан келиб чиқадиган низоларга медиацияни қўллаш амалиёти билан боғлиқ масалалар ҳамда уни ривожлантириш юзасидан маълумотларни ва материалларни таҳлил қилиш ва умумлаштириш;

мамлакатни сиёсий-ҳуқуқий ва ижтимоий-иктисодий ривожлантириш бўйича вазифаларни амалга оширишда ўзаро манфаатли ҳамкорликнинг самарасини оширишга қаратилган замонавий механизмларини жорий этиш;

Томонларнинг нашрларида профессор-ўқитувчилар ҳамда бошқа мутахассислар томонидан тайёрланган илмий мақола ва тезисларнинг чоп этилишида қўмаклашиш;

илмий ишлар, ўқув-услубий материаллар ва бошқа маҳсус адабиётлар, шунингдек Томонларнинг ютуқларини акс эттирувчи бошқа материаллар билан ўзаро алмашишни йўлга қўйиш;

илмий-тадқиқот натижалари, жумладан нашр этиладиган материалларнинг илмий экспертизасида иштирок этиш, уларга тақриз ва хulosалар тайёрлаш;

ахборот-ресурс маркази ва кутубхонадан фойдаланиш.

3-модда

Меморандумда назарда тутилган ўзаро ҳамкорлик йўналишларидан келиб чиқкан ҳолда, Томонлар розилиги билан бошқа тадбирлар хам ўтказилиши мумкин.

4-модда

Мазкур Меморандумга Томонларнинг ўзаро розилигига кўра мазкур Меморандумнинг ажралмас қисми ҳисобланадиган алоҳида баённомалар билан расмийлаштириладиган ўзгартириш ва қўшимчалар киритилиши мумкин.

5-модда

Томонлар Меморандумни амалга ошириш ҳамда фаолиятнинг асосий йўналишлари бўйича ҳамкорлик тадбирларини белгилаш учун масъул шахсларни белгилайди ва ҳамкорликдаги муайян фаолиятни амалга ошириш ваколатига эга шахслар раҳбарлигидаги қўшма ишчи гурухлар ташкил қилиши мумкин.

Масъул шахслар ўзгарган тақдирда, Томонлар бир-бирларини ёзма равишда хабардор киладилар.

6-модда

Мазкур Меморандум қоидаларини қўллаш ва (ёки) талқин қилиш билан боғлиқ низо ва келишмовчиликлар Томонлар ўртасида маслаҳатлашувлар ёки музокаралар орқали ҳал этилади.

7-модда

Ушбу Меморандум иккала томон вакиллари имзолаган кундан кучга киради ва беш йил мобайнида амал қиласди. Томонлардан бири Меморандум муддати тугашига уч ой қолганида унинг амал қилишини тўхтатиш ҳақида ёзма хабарнома бермаса, Меморандум ўз-ўзидан кейинги беш йиллик муддатга узайтирилади.

8-модда

Ушбу Меморандум ўзбек тилида икки нусхада тузилди. Унинг ҳар бир нусхаси бир хил юридик кучга эга бўлиб, бир нусхаси Ҳакамлик судлари ассоциациясида, иккинчи нусхаси эса – Марказда сакланади.

**Ўзбекистон Республикаси
Адлия вазирлиги қошидаги
Юристлар маълакасини ошириш
маркази номидан**

Директор

А. Рахматов

2020 йил “19.” февраль



**Ўзбекистон Республикаси
Ҳакамлик судлари ассоциацияси
номидан**

Раис

Х. Махмудов



2020 йил “19.” февраль